


# Šulske nowiny



Serbska wyša šula Ralbicy  
UNESCO projektna šula  
Šula z ideju 2007  
[www.serbska-sula-ralbicy.de](http://www.serbska-sula-ralbicy.de)

Różownik 2015  
20. lětnik, 203. wudaće

## 40 lět wučerka w Ralbicach

Po zakončenju studija na Lipšćanskej uniwersiće nastupich 1. awgusta 1974 džěto jako wučerka za serbšćinu a rušćinu. Dokelž nowe šulske twarjenje hišće dozhotowjene njebě, mějach mjez Róžantom, Konjecami a Ralbicami "pućować"-druhdy dosahaše za to jenož přestawka. Mój přeni "šef" bě knjez Jurij Wowčer-Róžeńčanski. Wón bě jara kruty, tola pak woblubowany mjez šulerjemi a kolegami. Po połlětnych prózdnicach - w nalěću 1975- započachmy potom w nowej šuli w Ralbicach wuwučować. To bě za mnje młodu wučerku wulke wjeselo, směć džětać we wulkich, swětych rumnosćach. Twarjenje bě moderne a we wulkej wučerskej stwě mějachmy za 40 kolegow městno. Přez šeroku zwjazowacu chódbu dóstachmy so do wulkeje, swětteje jědzernje; a po něšto času bě tež sportowa hala hotowa. Moji něhdyši wučerjo běchu naraz moji kolegojo a tak změni so wid.



Lěta so minychu a přewodzach mnohe lětniki hač k zakončenju šulskeho časa. Rady spominamy na rjadowniskich zetkanjach na lěta w Ralbicach.

Po smjerći J. Wowčerja přewza jeho syn Rafael Wowčer nawod šule. Wón poskići mi dalekubłanje za nowy předmjet - socialna domjacnosć, kotryž měješe so jako profil na Ralbičanskej šuli zawjesć. Přizwolich tomu a w lěće 1993 kwalifikaciju zakončich. Dóstachmy rjenje wuhotowanu šulersku kuchnju a wuwučowanje mi přeco hišće wulke wjeselo čini.

Štyri lětdziesiątki podawach wučbu přewažnje w "mojich" předmjetach, ale sčasami wupomhach w hudźbje, stawiznach, němčinje a čěšćinje. Tež na druhich šulach bě druhdy pomoc trěbna a tak zeznach šulerjow mjezdruhim we Worklecach, Chróscicach a Njeswačidle.

W běhu lět je so něštozkuli při organizowanju šule změniło. Najebać wšěch tajkich a hinašich přerjadowanjow mějach stajnje wjeselo při džěle ze serbskimi džěćimi a jich staršimi. Wosebje so raduju, hdyž wuhladam na šulskej ławce džěći něhdyšich chowancow našeje šule.

Regina Hrjehorjowa

*Knjeni Hrjehorjowa poda so po zakončenju šulskeho lěta na zasluženy wuměnk. Přejemy jej za to wšo dobre, přeco krutu strowotu a kóždy dzeń wotměnjawu zaběru. Jenož tak drje budže přechod z šulskeje hektiki do wuměnkarsstwa znjesliwy.  
(přisp. Redakcije)*

